



定香亭筆談

一





定香亭筆談

(一)

阮元記

定香亭筆談敍

余督學浙江時隨筆疏記近事名曰定香亭筆談殘篇破紙未經校定戊午冬日任滿還京錢唐陳生雲伯偕余入都手寫一帙置行篋中己未冬雲伯從余撫浙旋南孝豐施孝廉應心復轉寫去付之梓人其中漏略尚多爰出舊稿屬吳澹川陳曼生錢金粟陳雲伯諸君重訂正之諸君以其中詩文不妨詳載遂連篇附錄於各條之後余不能違諸君之意因訂而刊之並識其緣起如此

嘉慶五年長至日揚州阮元記

定香亭筆談卷一

清 揚州阮 元記 嘉興吳文溥錄

浙江杭州學使署西園有荷池。池中小亭翼然。四圍竹樹蒙密。入夏後。萬荷競發。清芬襲人。亭舊無名。余用放翁詩風定池蓮自在香意。名之曰定香亭。命青田端木子彝國瑚賦之。清思古藻。絕似齊梁人手筆。

定香亭賦

端木國瑚

謝公水月杜老乾坤抗心古哲怡志名園。榜修月斧堵斲雲根井惟客轄市豈臣門神清藻想氣馥蘭言聞空香而入妙儼寂定而無喧榜曰定香亭宜標碣地展三弓居容十笏碧淺楹低綠沈屏凸晨光雨後三徑草薰午韻晴初一欄花發友相問兮冰心世不知兮仙骨嘘翰墨以繪林招烟霞而彌窟水曲雲平橋連虹斷鴨綠頭低雁紅齒短露氣沈寒日光抱暖苔侵午潤螭舍紋移藻漲春陰魚闌影散簾疊浪而香連簾含漪而翠滿人疑陸海潘江地是蓬壺桂館亭則宜春梅花絕俗塵不凝紅莓還襯綠紙帳褰幙銅瓶臥褥品逸於仙心閒似鵠句淨鏤冰神清照玉愛處士之清淺黃昏遇高人於水邊籬曲綠檻晨潤朱華夏榮露白羽淨霞紅衣明香空月淡影重風清碧筒醉淺白社緣輕翠凌波而脉脈芳襲袂以盈盈問騷人兮何多怨愛君子兮未忘情梧蔭初長桐陰遠送碧抱吟蟬香披么鳳一闌涼影彩筆分題半榻清音瑤琴微弄黃葉烟疎蒼苔月空不知秋思誰家莫道秋光如夢檐空四壁竹

擁千椽疎陰碎地密翠浮天綠圍虛幌青護重筵昏黃佇月深碧流烟湘枝按曲玉版談禪招此君而入座共歲暮而忘年時若座拱冰壺軒懸玉界金石紛披琳琅密挂唾散珠璣氣澄沆瀣棋憑客聽石供丈拜梨雲蘇軾之詩蕉雪王維之畫來物外之清虛去胸中之芥慙高密列座公幹升堂擘牋韻僻擊鉢聲長虹光躍硯霞氣流觴性諧苟令文述歐陽蜺頭雲暗塵尾風涼句奪五花之簾心嘔古錦之囊爲想永和人物雅宜江左文章額已留題碑誰作記手淨薔薇心清茉莉古綠摹文硬黃搨字筆花夢驚墨漢心醉寶色星迷神光電萃地惟奎壁之虛案是玉皇之吏正三伏也

題定香亭

一簾虛白自生光鼻觀微參別有香鶯立影橋新雨過校書人在水中央
蓮性時時淨與通非關花氣撲疎櫳小池縐碧茶烟散一陣風來憶放翁

華亭張子白若采至杭州七夕攜擗石翁畫荷花展讀於定香亭上池荷瀉露盆蘭吐芬把酒論詩極一時清興余題畫云蓮花過雨清宜畫蘭箭臨風韻似詩記取丁年秋七夕定香亭上晚涼時定香亭在池中央由石橋三折乃達余名石橋曰影橋作文記之以其爲衆影所聚也

謝啟昆

浙江學使者駐於杭署在吳山螺峯之下宅西有園圃有池池中定香亭與岸相距由石橋三折乃達余名之曰影橋蓋衆影所聚也池中風漪漁然是有池影亭倒映於池是有亭影亭與橋皆紅闌是有闌影岸邊豆蔓牽牛子離離然是有籬影其樹則有女貞枇杷桐柳榆穀其花則有梅桂荷花芙蓉其草則有竹蘭女蘿是皆有影每當曉日散采夕月浮黃輕雲在天繁星落水霞圍古垣雪櫻幽石而影皆在橋魚躍于下鳥度于上蝶乘風于亭午螢弄光于清夜而影亦在橋至若把卷晞髮挈榼攜燈度橋而來者其影無盡皆可以人之影繫之故余以影名橋爲衆影所聚也而橋之自有影於池也與焉

余初至杭州於大門內及內宅西園補種桃梅雜樹數百本作補樹詩夫使星三年而易樹木十年而成是所望於後來者之培植矣

補樹詩

阮元

繞樹數春花出牆量古木當年種樹人此意良不俗官閣雖清嚴三年若郵宿矧茲奉簡書日月隨轉穀與樹相盤桓一年尚不足去者或不戒毀薪且徹屋不見新樹栽惟見舊樹仆我從歷下來住此吳山麓蒼苔三徑深老桂一冬綠所嫌行栗彫如髮漸宣禿橐駝負樹來隙地數弓廝小梅影橫斜春意半含蓄門庭植桃李左右各六六植根必使深膏雨及時沃譬如爲學人慎勿苦局促春風一以吹鳴鳥樂清淑夜深明月來虛牕橫畫幅吾情欲陶寫素不愛絲竹惟此栽者培頗可娛心目百年計樹人

一年計樹穀。十年樹木心。所冀來者續。

余值南齋時。與秦小峴錢裴山二君。每五鼓在禁中。卽橐筆相見。其時小峴裴山皆值軍機處也。及余視學來。浙適小峴觀察杭嘉湖。裴山亦在杭州。嘗以雨後招游西湖。余有句云。共舒中禁燈前目。來看西湖雨後山。

秦小峴觀察招游西湖。晚謁表忠觀。適錢裴山同年過訪。未值。

阮元

天使浮雲自往還。春晴喜借一舟閒。共舒中禁燈前目。來看西湖雨後山。吾輩冠裳烟水上。君家祠宇竹松間。好將千首新題句。都就詩人子細看。

時新得諸生表忠
體落成詩千餘首

嘗侍家大人射鵠子於西園。與諸友人聯句。余有句云。投石散水量。客以爲摹擬克肖。天長林庾泉道源。以他心竟能度對。張子白其衷誠直取。又以臍射道成惡對。子白志傳爾雅名。一用經語。一用史語。亦工亦確。

嘉慶元年正月人日同人射鵠子於浙江學署之西園。卽事聯句。

虛亭開春首。西夢胡廷森修竹挂日腳。朋讌盍素心。子白張若采耦進踐清約。揚觴酒已具。庚泉林道源射鵠興可託。

鵠鼓音微轉。中之程贊寧字今北音讀如時鼓。二時射韻非錯。對棚借梅列。定甫江安量步破苔薄。西十北十符。里堂焦循左

个右个作護。飽藉之茅。伯元當箭懸以幕。加幅委髯奴。西夢設侯用文鞭。尺璧肉倍好。子白大泉輪滿廓。五

花壁成圓。庚泉兩儀換丸躍。星緯各成天。中甫月望不留魄。紅點嵌星星。定甫白堊圍嶧嶧。圓圖雜元黃。里堂紛

披範青縑。揩者竹象爻。伯元組之械爲索。敦弓。我旣張琴。鳴鑄匠復削。志傳爾雅名白。臍射道成惡混沌。破七竅。庚泉相攘出六鑿。講譜法深穩。中之湘圃封君年七十八。須編須人饗。鑠長慮弦拂。編辨乃射。飲決看誰先。定甫袒衣蓋云各燥濕擬重輕。里陰晴辨今昨。恃力挽取強。伯元敢遠立反卻心摹飛衛神。西琴笑勝投壺樂。竽將一一吹。子淵遂深深拓是謫者叱者。庚泉亦翩若矯若吻厲驚飢灌之翰飛聽匪羈旁人不及瞬。甫喝者或曰著叩鳴善於問堂。響應真如諾。投石散水暉。伯元擲彈碎花萼。儼絲貫於鍼。西琴若鎖投以鑰。其衷將直取。子他心竟能度。虛中窺穀繆。庚泉無極存_里郭。或挈貳疊雙之。或連參斷繳。或四鍛井儀。定或五兩綻落。或觸植頽墮。里或維綱綰綽揚。或隼出塵。元抑或蛇赴壑。止或陷區央。西琴斜或拂枝格。拙每成獨笑。子巧翻致衆愕。旣徹待獲旌。庚泉乃飲無算爵。功力相箴規。中得失互嘲謔。雖藝近乎道。定甫此禮其猶醜。當風醒薄醒堂。臨池度曲約餘情。看洗馬。伯元畫者更盤礴。西琴時周采巖爲封君作洗馬圖。

學署西園賓客所居有花木池館之勝下榻此地者分韻壁牋殆無虛日有西園詩事圖

蘇州江補僧鑒良庭先生之子。習浮圖家言。長齋持偈作字。苟不合六書者。不下筆也。居西園者三年。武進臧在東鋪堂。通儒玉林孫也。受業於盧召弓學士。經史小學精審。不苟殆過其師。每歲除夕。陳所讀書。肅衣冠而拜之。故又字曰拜經。歲戊午居西園爲余理經籍纂詁事。其弟禮堂學亦深持父喪白衣冠而處。不與人見。

立天元一細草。

重刻測圓海鏡細草序

阮 元

測圓海鏡何爲而作也。所以發揮立天元一之術也。算數之書九章尙已少廣著開方之法。方程別正負之用。立天元一者。融會少廣方程而加精焉者也。李敬齋自序稱老大以來得洞淵九容之說。日夕玩繹。而鄉之病我者。使爆然落去而無遺餘。蓋其精心孤詣。積累數十年而後能神明變化。無不如志。若此。洎乎明代算學衰歇。顧箬溪應祥作測圓海鏡。分類釋術。測圓算術等書。以立天元一無下手之處。每章輒刪去細草。而但演開帶從諸乘方法。舍其本而求其末。不知妄作之罪。應祥實無可辭焉。國朝梅文穆公肄業蒙養齋。親受聖祖仁皇帝指示算法。始悟西人所譯借根方。卽古立天元一之術。流入彼中者。於所著赤水遺珍中論之甚悉。於是立天元術又得章明。文穆之功斯爲鉅矣。其爲術也。廣大精微。無所不包。大之而躰離度數。小之而米鹽凌雜。凡它術所能御者。立天元皆能御之。它術所不能御者。立天元獨能御之。自古天文家。若元郭太史守敬所造授時術中法。號爲最密。而其求周天弧度。以三乘方取矢。亦用立天元術。載在授時術草者。可覆而按。則其爲用亦神矣哉。以元論之。又非獨如是已也。今歐邏巴本輪、均輪、橢圓地動諸法。其密合無以加矣。原其推步之密。由於測驗。測驗既精。濟以算術。則有弧三角法。所以算弧三角者。則有八線表。所以立八線表者。則先求六等邊、四等邊。以至十四、十八等邊。其求十八等邊、十四等邊二法。則用益實減實歸除。所謂益實減實歸除者。究其實

卽借根方。借根方卽立天元一。然則西法之精符天象。獨冠古今。亦立天元術有以資之也。試以是書所列一百七十問。反覆研究考之。於二千年以來相傳之五曹孫子諸經。蓋無以逾其精深。又證之以數萬里而外。譯譏之同文算指諸編。實不足擬其神妙。而後知立天元者。自古算家之祕術。而海鏡者。中土數學之寶書也。惜流傳之本不可多得。元視學浙江從文瀾閣四庫書中鈔得一本。寧波教授丁君小雅杰。又以所藏舊本見贈。但通之者鮮。因屬元和李君尙之銳算校一過。其文字隱奧難曉。及立術於率不通者。李君又雜記數十條於書之上下方。蓋敬齋此書爲數百年絕學。元知學友中惟尙之獨能明之。其精通妙悟。卽今之敬齋也。且其所以發明古人之術。闡繹聖祖之言者。爲功亦鉅矣哉。歎縣鮑君以文廷博請以是書刊入知不足齋叢書第二十集。卽以界之。及其刻成。而爲之序如此。

測圓海鏡跋

李銳

天元如積之學。盛於元。亡於明。而復顯於本朝。梅文穆公赤水遺珍天元一。卽借根方解。發三百年來算學之蒙。可謂有功矣。惟立天元術。相消與借根方兩邊加減。實有不同。文穆於此似猶未達其旨。蓋相消之法。大略與方程直除相似。但以右行對減左行。或以左行對減右行。故曰相消。西人易爲加減。雖得數不殊。究不如古法之簡且易也。浙江學使阮閣學雲臺先生。學貫天人。振興絕業。以言立天元者。莫詳於海鏡。惜其流傳未廣。將重付剞劂。出所藏舊鈔本。寄示。命爲校勘。爰依術布算。訂其算式。間有轉寫脫漏。設數偶合處。輒因管見所及。是正其謬。凡若干條。極知固陋。無補古人質之閣學。幸垂誨。

焉。

欽方湛崖溥能文工小楷嘉定張農聞彥曾辛楣先生弟子經史算術詩畫篆隸靡不精妙吳江程竹邦憲揚州程中之贊和皆工書能詩居西園二年

歸揚州懷西園四律

程贊和

一載名園住高枝許共棲不分牀上下小隔屋東西竹徑濃雲合蕉牕夜雨低歸來看屐齒猶有舊苔泥

碧沼新荷發香風透薄綃池清常浴鳥泉遠不通潮小閣玲瓏啓虛廊曲折遙還思集吟侶同過赤闌橋

日午逡巡起無人爲報關偶偕棋客去常共睡僧閒謂補倚樹墜涼葉開牕延遠山往時游賞處一一畫圖間

良夜清如許吟儕興尙乘歌聲迴落月人語聚寒鐙此別路千里相思墨幾升何當重喚渡鴻跡儘堪憑

興化顧藕怡仙根詩境澄澹嘗至杭與余同游西湖諸山歸時余贈以一絕云湖光山色上吟衣幾日閑游便欲歸歸去詩情定何許清晨登隴看雲飛

吳江郭頻伽屢以萬梅花擁一柴門圖屬題頻伽先有水村圖吳江女士汪玉軫題之云深閨未識詩人

宅昨夜分明夢水邨。卻與圖中渾不似。萬梅花擁一柴門。頻伽乃倩奚鐵生補圖。余和前韻題之云香夢夜飛梅萬樹。不知春水隔江村。屬君細逐夢行處。一路栽花直到門。

元和蔣蔣山徵蔚治經史小學兼通象緯著述甚精詩文才力雄富無所不有歲丙辰與余爲越東之游走筆爲甬東詩八首傳誦至海外有少游浙游諸集余爲總訂之曰經學齋詩並序之謂其研精覃思夢見孔鄭賈許時不失顏謝山水懷抱也。

蔣蔣山經學齋詩

題阮雲臺學使琅琊訪篆圖

琅琊山色青迤邐扶桑海水搖漣漪。一臺特立頽殘碑。先秦之刻今猶垂。當時秦皇此登陟。平沙萬騎堂堂馳。從官再拜頌功德。虎視六合無雄雌。鐫銘泐石示不朽。傳之二世方畢之。臣斯擲筆就斧鑽。臣高引鹿來堂墀。望夷宮中忽荆棘。千年此石荒山陲。荒山野火幸不到。不然亦如成山嶧。山之累泰頂無子遺吁嗟古刻在人世。殘星落落如娥眉。屹嶸詰屈彊作僞。天門竊暴無文辭。此碑止存八十有六字。風吹日炙山鬼悲。高臺三成石僵立。海神禮日初專祠。何時祠圮碑欲裂。海雲昏黑埋蛟螭。使君好古多風雅。遺官曾到山之下。披圖示我認須眉。云是當年訪碑者。訪碑剔洗松煤揩。華蕤漸吐雲烟開。年深肉好變雄勁。生馬控勒去復回。珊瑚之枝紫芝萼。翩翩鸞鳳充庭階。我聞使君兩載按齊魯。力搜金石披蒿萊。公孫呂戈破土得。師曠墓畫出冢纔縋。山入水力求索丁。尊辛鬲羅胸懷。當年賓從惜無

我儻得親行手拓尤當佳官齋坐覺發光怪幘頭詩筆覃谿譜
阮雲臺閣學出所藏寶武印見示並屬作歌

井中玉璽奪月光銅盤折矣天蒼涼桓靈之際代更嬗無端一印關興亡蟲沙名姓紛無數龜紐至今猶左顧知是將軍一片心土花蝕損精靈護中官得志黨鋼危大臣何用椒房私批鱗特依黃門獄想見庭前解綬時筦霸雖休李杜死明年竟應童謠矣長樂初收北寺寒此印定然隨指使太白灼爍宮門開刊章中變臣之留五校旣散臣力竭大將軍敗非天哉漢家自此悲無奈轉眼雒陽城又破火氣銷將國運殘一十八朝彈指過煌煌手鑄蛟螭文黝澤化作荒郊雲可憐不得此印力慟哭都亭授首人肘後藏來餘寸組棄置甘心埋故土漫隨壞鐵到人間恨不親鈐誅節甫摩挲陡覺雙眸明銀章流落難爲情小物千秋增感喟誰傳賣印是游平

過蓮花莊訪趙子昂故居

西風試問苔溪渡碧浪秋蘋零曉露風流不見趙王孫醉踏道場山下路荒烟千頃淨玻璃曾是王孫染翰時移家更卜湖西住門外殘荷鼓櫂遲道昇爲室雍爲子一門風雅真鍾美只餘隱恨感滄桑司戶居然作承旨一聲白雁起風沙蕉萃秋江菡萏花蝦蟆更急三宮去國破王孫尙有家蒼松團雪圍香葉月明元鶴淒涼泣王孫此際老無悰止向豪華誇事業詩情畫意自千秋粉謝香消水發淵老屋摧殘人代速空亭三十六鳧鷗只今訪古重停蹤采蓮不唱當時曲桐孫雖在石無存洗出清波依舊

綠水晶宮畔月河邊身後王孫亦可憐一樣青門傳舊裔召陵猶劇種瓜田

團扇曲

湘雲掩素流華月秦娥小鳳驂金闕西風不到六銖衣齊紈皎潔如霜雪裁作團扇空寄遠可惜相憐
卻相怨一夜哀蟬激玉階蘭房鯉頸啼紅淺願君溝水常無波空遺庭樹彫涼柯君不見深恩如水羅
衣薄已向尊前奏花落

謁王文成公祠

良知學始文成公左顏右孟相對容心齋語固出莊叟尼山一貫將毋同初歷曹郎見風節龍場謫豈
吾道窮苗痏化導居非陋蠻貊行矣本在躬督師電掃淨橫淒寧藩南贛空言功爾時讒佞惑簧鼓九
華宴坐君心通程朱正學公豈背後儒自作長城攻鄉賢有派足興起公非於陸無折中白沙定山雜
儒釋況公並未稱禪宗人生之蔽在無恥赤子心足開昏蒙廷杖旣開士習廢閨門奔走斯澆風公倡
是學挽末俗狂瀾復障歸諸東試觀後來士習振三案與國持其終念臺清修世所尙系出公學追公
蹤東林高顧亦私淑九死必不附進忠實學之效乃如此有明一代昭發矇我過公里謁祠宇真才名
世豐趺隆龍谿德洪皆嫡嗣猖狂止一顏山農大嘗壁間止公謗在天正氣如長虹

秋夜

初月在簾鉤清輝似水流秋風與秋露和月作新愁秋露下河漢秋風涼女牛若爲傳此意西北是高

樓。

甬東詠古八首

四

蠻鬪紛紛浪自誇。至今舊俗尙繁華。空留君子六千戶。猶記甬句三百家。海外風濤多島嶼。夢中軍士半蟲沙。夫差瞑目無彊滅。又見東甌走傳車。

回浦章安劇變遷。孤城築後少烽烟。誰云陽朔更州治。不信孫恩號水仙。漢代尙傳南部遠。晉家失計一隅偏。三江口外頻防禦。故轍齊梁豈偶然。

改郡開皇自不同。恩唐室廢興中。幸看巨寇干戈戢。得見遺氓賣賤通。浹口森嚴安巨鎮。鄞江守護訖奇功。千年府治從茲定。奏橐分明憶薛戎。

武肅英風拓土疆。鎮名底事自朱梁。丸泥獨力支磐礡。鐵弩餘雄及大洋。航海建炎心湏洞。關心德佑事興亡。東錢湖畔增惆悵。史相頽祠尙夕陽。

鋌險黃巖起國珍。醢徒何意有經綸。十年竊據分諸縣。一道降師散浹旬。金盃山深狼露靜。石蟬門黯海舟淪。可憐血戰慚吳楚。枉受元封負此身。

信國舟防老將才。三時分哨令嚴哉。何期中葉經倭入。復見南塘備海來。烽影嵯峨螺髻嶺。礮聲潮湧碇江臺。舟山本自稱天險。鎖鑰無端爲寇開。招寶巖前番舶過。蛟門控扼竟如何。七場鹹鰱新丁盛。四所軍營舊衛多。海月江珧齊入市。浹湖雨浦

盡通波居人指點靈山岸一髻烟中見普陀

鮫宮蜃市出危樓千里驚潮一郡收風挾剛威來颶母山盤遠勢自台州天封塔古唐碑廢阿育王空梵迹留此地海東門戶重壯懷不僅爲清游

蔣山年甫冠弱不勝友而學問淵博未可輕測兄事余余贈以詩云君年纔可著儒冠眼底何書不盡看平子算章通象緯少陵詩律老波瀾耳如能聽尤當慧我竟爲兄大是難喜得談經開左席官齋行舫共春寒蔣山重聽故五句及之

蔣山以治耳聾食符久之無驗余嘲以詩云君是最智者毋爲智者愚豈真特健藥恐是詭癡符

蔣山兄于野莘弟望甫慶皆能詩幾於王謝家子弟人人有集矣人稱三蔣

丙辰春余與林庚泉道源蔣蔣山徵蔚同至甬上以春夜江上聞角聯句余有句云南國春情多在夢古人心事重防秋庚泉極賞之

春夜江上聞角聯句

一江花月換邊愁此鉛山蔣修隅知廉句也春夜偶談及此共補成之頓覺蒼茫滿客舟庚泉南國春情多在夢古人心事重防秋雲臺詩中我已驚吹髮庚泉城上誰能獨倚樓半夜潮生風獵獵蔣山壯懷銷盡爲清游庚泉

松江楊簷山之灝與蓉裳荔裳爲昆弟簷山與蓉裳同守伏羌圍城時曾親射殺一賊荔裳從征廓爾喀今又襄苗疆軍事皆近日文人所罕見者簷山工詩詞尤清濶余贈詩云楊氏昆陵號二裳簷山更足號

三楊一家詩事兼戎事。共織弓衣入戰場。

嘉定錢可廬大昭辛楣宮詹之弟也。著作等身。嘗助余山左浙江兩地校士之役。可廬注廣雅。有蕉牘注雅圖。余題之云。蕉之爲物。雅所無。稚讓所學在漢書。列傳嘗解馬相如埤蒼傳。至曹江都選學。須問曹公徒。試注子虛之巴苴案。芭蕉始見於上林賦。於古無聞。說文蕉字卽樵採之樵。列子以蕉覆鹿。卽所樵之草木非芭蕉也。

武進陸邵聞耀通詩才清拔。非唐人不道。隻字詞更清空婉約。劇似宋人。其李父祁生繼輅詩筆超妙。於太白清放側鑒之處。兩得之人稱二陸。

石門吳曾卯。余易其名曰曾貫。能五言長律。時修表忠觀新落成。命之賦詩。曾貫用八庚全韻爲五排。不遺一字。於工穩中時露神韻。余稱之曰吳八庚。嘗贈以句云。秦家五字劇縱橫。曾出偏師陷長卿。寄語蘇州漫相許。語兒還有小長城。仁和周雲熾亦有百韻詩。

試杭州時。新製團扇適成。執素畫筆。頗極雅麗。嘗以仿宋畫院製團扇命題詩佳者許以扇贈。錢塘陳雲伯文杰詩最佳。卽以扇與之人。稱爲陳團扇。杭州向無團扇。因是盛行焉。

仿宋畫院製團扇

陳文杰

江南三月春風歇。櫻桃花底鶯聲滑。合歡團扇翦輕紈。分明探得天邊月。南渡丹青待詔多。傳聞舊譜出宣和。入懷休說班姬怨。羞見曾憐晉女歌。班姬晉女今何有。攜來合付纖纖手。闌前撲蝶影香遲。花